

楊守敬編，熊會貞續編 民國四年石印本

鄰蘇老人年譜

第六冊目錄

鄰蘇老人年譜一卷	九九
藝風老人年譜一卷 行狀一卷	一一一
武進陶涉園七十年紀略一卷	一二一
疇隱居士自訂年譜一卷	二九一
疇隱居士學術史	四二五

惺吾七十五歲小象
畫



鄰蘇老人年譜

宜都楊守敬惺吾甫自述

三十年前日者推余命流年止七十三而中間所云
休咎皆驗前年義州李文石

葆恂

勸余自為年譜余

譙讓未遑今年日本人多問余小傳雖漫應之未下
筆也八月武昌事起倉皇出走家人星散藏書數十
萬卷衣物財產棄之不能一携聞關至上海蒙舊友
香山甘君翰臣

作蕃

假館僦居棲息略定而有日本

水野疎梅者夙聞余名由其國福岡縣遠來欲至武

昌從游中途過於滬堅欲置身門下卻之不得其人
年已四十有八念其向學之忱乃受之又欲得余小
傳歸而告其國人今年命將盡乃徇其請追述生平
記憶不審年月錯誤在所不免然不敢虛浮妄作其
間拉雜瑣碎強半不文意在示我後人不足為外人
道也

己亥

道光十一年

歲

四月十五日丑時吾以生

庚子二歲

九月初一日丑時弟先三生

辛丑三歲

壬寅四歲

十月十二日父病歿父諱有純

熊會貞填諱

字

粹然幼敏慧十餘歲擔任祖父兩店事能左右手握算不爽分毫以操勞過度得喀血疾不起

癸卯五歲

祖父以父歿歇一店

守敬

嘗於數錢時摘

古錢而弄之蓋天性然也

甲辰六歲 母教以識字讀書

乙巳七歲 仍在家讀先三亦同讀

丙午八歲 始與先三就外傳從覃先生讀其年四子

書成誦

丁未九歲 初學作文

戊申十歲 從謝先生讀

己酉十一歲 祖父以年近七十店中無人經理乃囑

守敬及先三皆暇讀以守敬至孫姑夫店以先三在

己店均學商業然守敬每日雖專心生意夜閒仍誦

書學文不輟先三聰穎過於守敬惟目神不足數丈

外不見人向夕即同瞽者而夜就燈先猶能識蠅頭
字亦一奇也

庚戌十二歲祖父以先三有目疾不能獨任貿易乃

囑守敬回家在己店照拂

辛亥咸豐元年十三歲粵匪竄宜昌守敬與祖母避亂長

陽朱宗灣李姓家母率先三避於漢陽河羅家坪中

途被賊搶去衣物數箱祖父則在家不出亂後復歸
家中什物皆在緣粵賊經過一日即去鄰人古樸不
知有劫搶事

壬子十四歲 從朱先生 鳳池 讀先生時文為一邑名

手以 守敬 不願讀庸爛時藝惟喜陳大士稿及諸名

家文乃刮目相視時因亂累年無縣府考是年始開

縣考 守敬 初應試終覆第十三名

癸丑十五歲 朱先生移館下鄉祖父以鄉讀費重囑

守敬
在家讀

甲寅十六歲 開府試祖父未允赴試

乙卯十七歲 祖父以祖母年已高母一人難以支持

家務乃擇期為守敬成婚婦李氏柔順有婦道

丙辰十八歲 高要馮展雲譽驥為湖北學政時已三

屆未開考八月院試守敬請於祖父赴府補考三就

院試皆不售及歸閱已售者之文均不出守敬右何

以屢不得因思馮學使工小楷頗重字學而守敬書

法草率故爾見擯

丁巳十九歲

時江陵朱先生槐卿

景雲

工書在許姓

家教字兼課文

守敬

乃私倩介紹從朱先生附讀已

入塾祖父始知甚不以為然經外舅李公

宗允

解勸

始允而朱先生精力絕人每夜必雞鳴始就寢

守敬

素弱不勝其苦且每當就枕時必出一題口占半篇

始眠故每當考試他人未脫稿

守敬

已交卷蓋素習

慣也五月縣試初覆第一名終覆第二名七月府試

五場皆第一名十月院試入學仍馮學使也是年長

陽譚先生力臣大勲常往來館中與房東許滋生及

朱先生論古蓋譚先生曾館於江都汪孟慈家得庸

甫中先生緒論守敬每側聽之而欣然蓋守敬得聞

國朝諸儒之學自此始

戊午二十歲時省城克復開科舉守敬隨朱先生入

闈不中是年有太平孫君玉堂璧文避亂宜都在太

平會館授徒其人勤學不倦因與之交通餘杭鄭譜

香蘭亦避亂至宜都租余屋居之因其晒書得見六
嚴輿地圖假之而與孫君各影繪無閒昕夕余成二
部孫君亦成一部譜香知之乃大激賞會譜香以吾
屋差小不能容移居於向家巷而以吾屋轉租元和
顧子山文彬顧本吳中文豪見余好古亦大加青眼
己未二十一歲又開恩科守敬亦入場不中長子道
承生

庚申二十二歲朱先生以明年拔貢為勛及歲試壹

等而同人忌甚以為來年必獲選

辛酉二十三歲 是年試拔貢守敬以忌者造謠遂決

意不赴考

壬戌

同治元年

二十四歲

正月次子德承生余以謀生無術

乃設館授讀計束金四十千而弟婦病甚

守敬

以祖

父年邁不忍須臾離擬不赴鄉試至七月初旬學師

力勸之不得已遲至十二日始成行泊入場因小雨

人多擁擠不能取次應點而已入龍門者不能復出

於是露立龍門內至初九日黎明方應點入號時困
倦已極加以腹瀉未及收拾考具題紙已下首題為
古者言之不出兩章初擬為八比恐精力不繼乃為
兩大比十六日畢場即買舟歸榜發乃獲中第八十
名舉人主考為海鹽顏雪廬宗儀茶陵譚文卿鍾麟
房師為納溪癸卯解元宋海樓文觀當填榜時鄭誥
香以闕道在座乃顧主考及房官言此人年少好學
他日必為傳人是年冬赴禮部試由陸路至樊城遇